

10. november 2020

Atorfinni toqqaannartumik pisortat suliariumannittussarsiuussineranni suliassanik agguaanernik kiisalu isumalluutunik atuinissamik akuersissutunik agguaassinernik suliaqarfiusuni immikkut tatigisaallutik atorfilinnik nutaamik atorfinitsitsinermut atatillugu atorfinitsitsinermi piumasaqaatinik atulersitsinerup pitsaaqutaanik pitsaanngequtaanillu qulaajaaviusumik kingusinnerpaamik UKA2021-mi Naalakkersuisut nassuiaasiornissaat pillugu Inatsisartut aalajangiffigisasasattut siunnersuut. Nassuiaammi minnerpaamik pissutsit ilanngussaq 1-mi taaneqartut qulaajaavigineqassapput.

(Inatsisartunut ilaasortaq Múte Bourup Egede, Inuit Ataqtigiit)

Namminersorlutik Oqartussat kommuunillu atorfilitta qarput inissisimanermikkut qaffasissumik inissisimasunik, taamaalillutillu suliffeqarfinit namminersortunit sulisorissallugit pilerinarsinnaasunik aammalu pisortat suliffeqarfiinit akissaatitigut atorfeqarnikkullu pitsaanersumik pineqarsinnaallutik.

Ukiuni makkunani qujanartumik kalaaleqatigut amerligaluttuinnartut ilinniarsimanermikkut pisortani sulisorineqartarnerat annertusigaluttuinnarpoq.

Innuttaasullu pikkorissut suliffinnik pitsaanerusorisaminnik ujarlertuaannarnissaannut tunngaviusumik Siumumiit isumaqarpugut killilersuisoqarnissaannut tunngavissaqanngitsoq.

Uani atorfillit kisimik pineqaratik aamma soorlu qinikkat sulianut aalajangersimasunut inissisimasuusimasunut, soorlu Inatsisartuni Naalakkersuisuniluunnit ilaasortaasimasunut atorfittaanissanut killilersuinissaq Siumut tungaaniit isumaqatiginngilarput.

Siumut isumaqarpoq pisortani sulisimanerit aammalu qinikkatut inissisimanerit qimanneranni nipangersimasussaannermik malitassaartoq inatsisillu atorlugit taamaaliornissamik naammassissimangikkaanni inatsisitigut malersugaanermik kinguneqarsinnaaneq naammattoq.

Siumumiit eqqoriareersiinnaavarput innuttaasut aalajangersimasut atorfinnut sunulluunniit kiffaanngissuseqarlutik qinnuteqarsinnaanerit pisortat maleruagassiornermikkut aqulissappassuk, taamaaliornerit kingunerisinnaagaat aningaasanik amerlasinnaasunik pisariaqanngitsumillu aningaasartuuteqalernissaq.

Aammattaaq qularinngilarput atorfinitsitsisussat kikkunnilluunniit sulisussarsiorsinnaanerat annertuumik kiffaangissusiaagaanermik kinguneqassasoq. Qaqugu atorfiit sorliit pineqarnersut kia aalajangertassavaa? Tamannalu Siumumiit peqataaffigisinnaanngilarput.

Taamatut oqaaseqarluta Naalakkersuisut itigartitsinerat Siumumiit tamakkiisumik taperserparput.

Hermann Berthelsen

Siumut